

Headline	FRIM anjur pameran herba		
MediaTitle	Utusan Malaysia		
Date	24 Feb 2014	Color	Full Color
Section	Supplement	Circulation	173,387
Page No	22	Readership	699,000
Language	Malay	ArticleSize	655 cm ²
Journalist	N/A	AdValue	RM 13,064
Frequency	Daily	PR Value	RM 39,192



FRIM anjur pameran herba

Peluang mengenali khazanah herba dan pengetahuan tradisi

INSTITUT Penyelidikan Perhutanan Malaysia (FRIM) akan mengadakan pameran herba dan pelbagai produknya serta pengetahuan tradisi (TK) di Pusat Dagangan Dunia Putra (PWTC), Kuala Lumpur pada 23 hingga 25 Mei ini.

Herba Malaysia 2014 dianjurkan bertujuan menggalakkan kerjasama penyelidikan, pembangunan dan komersialisasi (R,D&C) di kalangan pemain industri yang teribat.

Mereka termasuk usahawan herba, pengeluar produk herba dan para penyelidik di samping meningkatkan kualiti, keselamatan dan keberkesanan produk herba tempatan, serta keyakinan orang ramai terhadap potensi dan khasiat herba sebagai rawatan alternatif.

FRIM juga akan mempromosi hasil penemuan R&D termasuk produk hasilan semula jadi, klon-klon herba dan anak pokok herba berkualiti yang dibangunkan melalui kajian genetik dan kultur tisu.

Turut dipamerkan ialah kemudahan-kemudahan ujian serta perkhidmatan lain yang ditawarkan termasuk pengesahan dan pengenalpastian tumbuhan ubatan dan herba.

Pameran tersebut dijangka mengumpul penyelidik, ahli akademik, pihak industri herba termasuk pengilang, pengimpot dan pengeksport, agensi kerajaan yang berkenaan dan penggubal dasar.

Selain pameran pelbagai produk herba dari seluruh negara, terdapat juga demonstrasi memasak resipi terbaru menggunakan herba oleh chef selebriti.

Sempena pameran tersebut, yang

bertemakan *Herba dan Pengetahuan Tradisi: Khazanah Negara*, FRIM juga akan menganjurkan Seminar Pemuliharaan dan Pemerkasaan Pengetahuan Tradisi (TK) bertema *Melestarikan Legasi Pengetahuan Tradisi* di di tempat yang sama pada 23 hingga 24 Mei.

Sementara itu, menurut Ketua Pengarah FRIM, Datuk Dr. Abdul Latif Mohmod, pameran Herba Malaysia dan pengetahuan tradisi merupakan satu sinergi menggabungkan pelbagai hasil R&D.

Dapatan hasil penyelidikan diharap memberi impak kepada industri berkaitan dan memberi manfaat kepada aspek pemuliharaan pengetahuan tradisi sebagai warisan negara.

"Pameran ini bakal memberikan satu persepsi dan dimensi baharu bahawa apa yang kita miliki termasuk sumber bahan, ilmu pengetahuan saintifik mahupun tradisi secara turun-temurun perlu diolah dan digabung secara lebih wajar, teratur dan sempurna.

"Gabungan dan sinergi tersebut merupakan satu perkongsian harta intelek yang boleh dimanfaatkan oleh semua pihak

pembekal, pengusaha dan pengamal meliputi masyarakat dasar seperti Orang Asli, Melayu dan kaum

lain," katanya.

Kata beliau lagi, perkembangan industri dan pengetahuan tradisi berasaskan herba perlu terus disokong oleh semua pihak terutama oleh agensi-agens kerajaan.

Kata Abdul Latif, penglibatan semua pihak juga merupakan satu proses pemindahan ilmu, kepakaran serta amalan daripada segala aspek dan perlu diteruskan bagi merealisasikan satu konsep merakyatkan perkhidmatan bagi kesejahteraan ekonomi.

Untuk maklumat lanjut mengenai seminar ini, sila layari laman web FRIM untuk memuat turun brosur di www.frim.gov.my/v1/seminar/TKSEMINARv30Jan.pdf atau hubungi Intan Nurulhani Baharuddin di intannurulhani@frim.gov.my, Norshakila Yusof (norshakila@frim.gov.my) atau Nurul Husna Zaidi (nurulhusna@frim.gov.my) di talian: 03-62797496 / faksimile 03-62750925.

Bagi Herba Malaysia 2014 pula, mereka boleh mendapatkan risalah Herba Malaysia 2014 dari www.frim.gov.my/v1/seminar/PampletHerbaMalaysiaFinale.pdf atau hubungi Wahyu Abdul Wahab (03-62797594 / wahyu@frim.gov.my) untuk sebarang pertanyaan atau bantuan.



Penceramah utama:

- Timbalan Ketua Pengarah FRIM, Dr. Norini Haron
- Prof. Emeritus Datuk Dr. Hood Salleh dari Universiti Kebangsaan Malaysia
- Prof. Gurdial Singh Nijar (Universiti Malaya)
- Dr. Shamsul Khamis (Universiti Putra Malaysia)
- Dr. Abdul Ghani Hussain (Herbwalk Consultancy)
- Dr. Nik Mustapha Musa'adah (FRIM)



DR. Abdul Latif Mohmod menunjukkan beberapa produk berasaskan herba yang dihasilkan FRIM.